

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutai

Aningaasaqarnermut tunngasut

Imm. 03 Balance-t

Suliassat nalinginnaasut

Imm. 04 Arsaattarfimmut aqqu tip atoruminarsarnissaanut siunnersuut

Imm. 05 Snescooterinik pissarsiniarsinnaanissamut siunnersuut

Imm. 06 B 221 toqqavikuani meeqqat pinnguarterfianni imigassartortarneq

Imm. 07 Eqqakkat poortukkat nunaqarfiup qeqqanut inissinneqartarneri

Imm. 08

Paasissutissiissutit/Ilisimatitsissutit

Imm. 09 Tamalaat.



***Nunaqarfimmi aqutsisut 23. Oktober 2019
Ileqqusumik ataatsimiinnera 09/2019***

Ataatsimiinneq aallartippoq nal. 13:00

Peqataasut:

Atassut

Albrichtine Lynge

Siumut

Barnabas Larsen
Efraim Olsen

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

Akuersaarneqarput.



Imm. 02 Siulittaasup nalunaarutai

Ilanngussaq 1.

Siulittaasup nalunaarutai.

Aalajangiineq

Siulittaasoq oqaasiinnakkut nalunaaruteqarpoq.



Imm. 03 Balance-t

J.nr.06.00.01

Maleruagassatigut tunngavissat.

Balance 18.Oktober 2019-meersut.

Karseqarnikkut Qeqqata Kommunia-ta maleruagassaa.

Innersuussut

Allaffeqarfiup innersuussutigaa, ilaasortanit tusaatitut tiguneqassasut.

Aalajangiineq

Tusaatissatut tiguneqarput.



Imm. 04 Arsaattarfimmut aqcutip atoruminarsarnissaanut siunnersuut

J.nr.23.02

Tunuliaqutaq:

Arsaattarfiup tungaanut aqcutip atoruminarsarnissaanut siunnersuut, oqaluuserisassatut siulittaasup Barnabas Larsen-ip akuersissutigaa.

Aasaru arsaattarfik ivigaasaaqqanik qallerneqartussaavoq meeqqanik inersimasunillu ornigarneqartalernissaa ilimanarluni, imeqarfiup inissisimanagera pisuulluni tulugaq tunoqqullugu tikikkuminaappoq, Haaleeqqallu tunuagut sivingavallaalaarluni periarfissalulluni.

Siunnersuutigineqarporlu putunnguup naseqqaviullu akornanni qooqqup tungaanut majuartarfilerneqassasoq illut qulliit tungaanut majuartarfeqareerpoq taakkualu qulaanniit ingerlateqqinneqarpata isumannaannerusumik aqquteqalissagaluartoq oqaatigineqarluni. Siunnersuutigineqarportaaq nunaqarfimmi aqutsisuniit innuttaasut isumasiorneqassasut qanoq suknullu tikikkuminarsaanissaq, aningaasat pissarsiarineqarnissaat arlaatigut ajornarunangippat maannangaaq pilersaarusiortoqartariaqarpoq sukkuussanersoq qanorlu takitigissanersut Kommune- p sulisui peqatigalugit tassanilu sulisussat ajornassappata, sanasunut namminersortunut unammissutigineqarsinnaallutik.

Aningaasaqarnikkut allaffissornikkullu kingunerisinnaasai.

Aningaasaqarnikkut kingunerisinnaasai: Konto: 2001601500 ukiumut 6.000,00 kr aningaasalerneqartarpoq.

Innersuussut

Allaffeqarfiup innersuussutigaa, siunnersuutigineqartoq Teknikkeqarfimmut saaffiginnissutigineqassasoq.

Aalajangiineq

Imiliap isuata arsaattarfiup tungaanut aqqusinniorneqarsinnaanera pillugu Nukissiorfinnut allagaqartoqassaaq.



Imm. 05 Snescooterinik pissarsiniarsinnaanissamut siunnersuut

J.nr.

Tunuliaqutaq:

Oqaluuserisassanngortitsisoq siulittaasoq Barnabas Larsen.

Snescooterinik pisiniarnissaq.

Aningaasatigut konto-ni periarfissaqarpallaannginnera pissutigalugu kissaatigineqarpoq immikkut aningaasaliilluni Snescooterinik pissarsiniartoqassasoq.

Snescooterit arsaattarfeerassamut assartuinissami aammalu iliveqarfiup tungaanut ukiuunerani silliamaniarnermi isumalluutitut atorneqassapput , minnerunngitsumillu sisortarfiup saani illuarakup isaternissaa pissappat assartuutitut atorneqassallutik.

Kissaatigineqarporlu Kangaamiuni qatserisartut ittuat ataatsimiinnermut aggersarneqassasoq.

Innersuussut

Allaffeqarfiup innersuussutigaa, oqaluuserisami aalajangigaq aallavigalugu qinnuteqartoqassasoq.

Aalajangiineq

Qinnuteqaammik allagaqartoqassaaq.



Imm. 06 B 221 toqqavikuani meeqqat pinnguartarfianni imigassartortarneq

J.nr.

Tunuliaqutaq:

Oqaluuserisassanngortitsisoq siulittaasoq Barnabas Larsen.

B 221 toqqavikuani meeqqat pinnguartarfianni imigassartortarneq tulluannigmat kusanaranilu pingaartumik meeqqanik pinnguartoqarnerata nalaani, imigassartorfiunngitsutut allagartaliisoqarnissaa imaluunniit iliuseqarfigineqarnissaa, meeqqanit taamaattussaannartut isigititsisoqartinnginnissaa pinngitsoortinniarlugu.

Innersuussut

Allaffeqarfiup innersuussutigaa, Teknikkeqarfimmut allagartamik qorsumik piniartoqassasoq.

Aalajangiineq

Allagartaq qorsoq ikkunneqassaaq.



Imm. 07 Eqqakkat poortukkat nunaqarfiup qeqqanut inissinneqartarneri

J.nr. 27.02.04

Tunuliaqutaq:

Oqaluuserisassanngortitsisoq siulittaasoq Barnabas Larsen.

Eqqakkat poortukkat nunaqarfiup qeqqanut ilineqartarput Maniitsumut nassiunneqarnissami tungaanut uninngasarlutik, aasakkut tipparittarneri kiisalu poortorluaqqagaluartik nunaqarfiup qeqqarpiaaniinissaanut tulluaratik.

Naluneqanngilaq allamut inissiinissaq periarfissaqarpallaanngitsoq allamut inissiinissamut siunnersuummik ujartuivoq.

Innersuussut

Allaffeqarfiup innersuussutigaa, vejformand ataatsimiinnermi peqataassasoq inissiinissamullu ujartueqatigalugu.

Aalajangiineq

Eqqaaviup eqqaani inissinneqartassapput.



Imm. 08

Paasissutissiissutit/Ilisimatitsissutit

1. “Aasaq naagujumut “ qinnuteqaat 3.000,00 kr kto 1820603501 atorlugu ilaasortanit tamanit akuersissutigineqarnera ulloq 2/10/2019
2. Atuarfiup siulersuisuisa ataatsimiinneranni imaqarniliaq ulloq 8/10/2019
3. Nunaqarfimmi aqutsisut ataatsimiinneranni imaqarniliaq ulloq 25/9/2019
4. Allaffiup pisortaata nalunaarutaa qaammat September 2019

Tusaatitut tiguneqarput.



Imm. 09 Tamalaat.

- Bygdepulje-mut tunngatillugu errorsissutinik piniartoqassasoq oqaatigineqarpoq.
- “Oqalliffik” Novembarimi aallarteqqinneqassaaq.



Nunaqarfinmi aqutsisut 23. Oktober 2019
Ileqqusumik ataatsimiinnera 09/2019

Ataatsimiinneq naammassivoq nal.15:10

